

গণপ্রজাতন্ত্রী বাংলাদেশ সরকার  
অভ্যন্তরীণ সম্পদ বিভাগ  
অর্থ মন্ত্রণালয়  
পরিকল্পনা শাখা

‘প্রকিউরমেন্ট অব নাইন মোবাইল স্ক্যানিং সিস্টেমস ফর কাস্টমস’ শীর্ষক প্রকল্পের ওপর অনুষ্ঠিত ‘প্রকল্প যাচাই কমিটি’ সভার কার্যবিবরণী

সভার স্থান : অভ্যন্তরীণ সম্পদ বিভাগের সম্মেলন কক্ষ।

তারিখ ও সময় : ২২শে মে, ২০১৮; বেলা ১০:৩০ ঘটিকা।

সভাপতি : জনাব মোঃ মোশাররফ হোসেন ভূঁইয়া এনডিসি, সিনিয়র সচিব, অভ্যন্তরীণ সম্পদ বিভাগ।

১.০ উপস্থিত কর্মকর্তাবৃন্দ (জ্যেষ্ঠতার ভিত্তিতে নয়)

ক্রঃ	কর্মকর্তার নাম	পদবী	দপ্তর/সংস্থা
১।	জনাব শাহনাজ পারভীন	সদস্য (শূঙ্ক ও ভ্যাট)	জাতীয় রাজস্ব বোর্ড
২।	জনাব মোঃ আমিনুল বর চৌধুরী	যুগ্ম-সচিব (পরিকল্পনা)	অভ্যন্তরীণ সম্পদ বিভাগ
৩।	জনাব বিশ্বনাথ বণিক	যুগ্ম-সচিব (বাজেট)	অভ্যন্তরীণ সম্পদ বিভাগ
৪।	কাজী মোস্তাফিজুর রহমান	কমিশনার, কাস্টম, এক্সাইজ ও ভ্যাট	ঢাকা (দক্ষিণ)
৫।	জনাব মোঃ আব্দুল আখের	সিনিয়র সহকারী প্রধান	অভ্যন্তরীণ সম্পদ বিভাগ

২.০ উপস্থাপনা ও আলোচনাঃ

২.১ সভাপতির আহ্বানে বিভাগের সিনিয়র সহকারী প্রধান সভার কার্যপত্র উপস্থাপন করে বলেন যে, কন্টেইনার স্কেনার স্থাপনের মাধ্যমে কাস্টমস হাউজসমূহে কন্টেইনার ‘ডিসপোসাল’ ত্বরান্বিত করে রাজস্ব আহরণ বৃদ্ধিতে অবদান রাখা এবং রাষ্ট্রের নিরাপত্তা নিশ্চিতকরণে যথাযথ ভূমিকা পালনে সহায়তা করার লক্ষ্যে জাতীয় রাজস্ব বোর্ডের অধীন বিভিন্ন কাস্টম হাউজ ও এলসি স্টেশনসমূহে কন্টেইনার স্ক্যানার স্থাপন এবং আধুনিক স্ক্যানিং সিস্টেম চালু করা অতি আবশ্যিক। সভায় উল্লেখ করা হয় যে, একই উদ্দেশ্যে ইতোমধ্যে চীন সরকারের অনুদান হিসেবে প্রাপ্ত ৪ (চার)টি মোবাইল স্ক্যানার একটি উন্নয়ন প্রকল্পের মাধ্যমে সংগ্রহ করা হয়েছিলো। উক্ত স্ক্যানারসমূহ চট্টগ্রাম কাস্টম হাউজ, মংলা কাস্টম হাউজ, বেনাপোল কাস্টম হাউজ এবং আইসিডি কমলাপুরে স্থাপন করা হয়েছে। এক্ষেত্রে, আলোচ্য প্রকল্পের মাধ্যমে যে ৯ (নয়) টি কন্টেইনার স্ক্যানার অনুদান হিসেবে সরবরাহের নিমিত্ত চীন সরকার আশ্বাস প্রদান করেছে, সেগুলো সংগ্রহ, স্থাপনের জন্য প্রয়োজনীয় ভৌত অবকাঠামো নির্মাণ এবং আনুষঙ্গিক কার্যাদি সম্পাদন করার লক্ষ্যে ও উদ্দেশ্যে আলোচ্য প্রকল্পটি প্রস্তাব করা হয়েছে।

২.২ আলোচনায় অংশ নিয়ে সভাপতি মহোদয় বলেন যে, যেহেতু চীন সরকার বর্ণিত ৯টি কন্টেইনার স্ক্যানার অনুদান হিসেবে দেবে এবং এ সকল স্ক্যানার পরিচালনার জন্য প্রয়োজনীয় প্রশিক্ষণও দেবে, সে কারণে আলোচ্য প্রকল্পটি একটি বিনিয়োগ প্রকল্পের পরিবর্তে কারিগরি সহায়তা প্রকল্প হতে পারে। সে ক্ষেত্রে তিনি প্রকল্পের ডিপিপি’টি পরিবর্তন করে টিপিপি প্রণয়নের পরামর্শ দেন।

২.৩ সভায় যুগ্ম-সচিব (পরিকল্পনা) বলেন যে, চীন সরকারের অনুদানে ইতিপূর্বে প্রাপ্ত ৪টি কন্টেইনার স্ক্যানার স্থাপনের জন্য গৃহীত ও বাস্তবায়িত প্রকল্পের ক্ষেত্রে অভিজ্ঞতা খুব সুখকর নয়। তিনি আরো বলেন, উক্ত প্রকল্পটি যথাসময়ে সমাপ্ত করা সম্ভব হয়নি। প্রাপ্ত স্ক্যানারগুলো প্রায় ২ (দুই) বছর অব্যবহৃত অবস্থায় পড়েছিলো। অধিকন্তু, প্রকল্প পরিচালক প্রকল্পের আওতায় পরিকল্পিত শিক্ষাসফর আয়োজন করতে পারেননি। প্রকল্প পরিচালকের অনভিজ্ঞতার কারণে প্রকল্পের যথাযথ আউটপুট অর্জনে প্রকল্পটি ব্যর্থ হয়েছে। এ পর্যায়ে সিনিয়র সহকারী প্রধান বলেন যে, সে ক্ষেত্রে আলোচ্য প্রকল্পটি যেহেতু এখন কারিগরি প্রকল্প হিসেবে পুনর্গঠিত করা হবে এবং প্রকল্পে মূলতঃ পরিকল্পনা কমিশন, ইআরডি, গণপূর্ত অধিদপ্তর এবং আইআরডি’র সমন্বয়ের প্রয়োজন হবে, সে ক্ষেত্রে এটি আইআরডি হতে বাস্তবায়ন করা যেতে পারে। এ বিভাগের একজন যুগ্ম-সচিবকে প্রকল্প পরিচালকের দায়িত্ব দিয়ে পরিকল্পনা শাখার দায়িত্বপ্রাপ্ত কর্মকর্তা প্রকল্পের উপপ্রকল্প পরিচালক হিসেবে সমন্বয়ের কাজটি করতে পারেন। এতে প্রকল্প বাস্তবায়ন কৌশল সম্পর্কে এনবিআর এর অন্যান্য প্রকল্প সংশ্লিষ্ট কর্মকর্তাগণ ধারণালাভ করতে পারবেন; প্রকল্পটিও নির্বিঘ্নে বাস্তবায়ন সম্ভব হবে। সভায় তাঁর প্রস্তাব গ্রহণ করা হয়।

২.৪ সভায় যুগ্ম-সচিব (বাজেট ও শূঙ্ক) বলেন যে, আলোচ্য প্রকল্পে যে সকল কাস্টম হাউজ ও এলসি স্টেশনে কন্টেইনার স্ক্যানার সরবরাহের প্রস্তাব করা হয়েছে তা পুনর্বিবেচনা করা আবশ্যিক। কারণ বেনাপোল কাস্টম হাউজ ও দর্শনা এলসি স্টেশনে পণ্য আমদানি ও রপ্তানির পরিমাণ সমান নয়। অধিকন্তু, প্রকল্পে চট্টগ্রাম কাস্টম হাউজ ও মংলা কাস্টম হাউজে

কোনো স্ক্যানার সরবরাহের প্রস্তাব নেই। তিনি এ দুটি কাস্টম হাউজেও কন্টেইনার স্ক্যানার দেয়ার প্রস্তাব করেন। সভায় একমত পোষণ করা হয় যে, মোট ৯টি কন্টেইনার স্ক্যানারে মধ্যে চট্টগ্রাম কাস্টম হাউজে ২টি, মংলায় ১টি, পানগাঁওয়ে ২টি, বেনাপোলে ২টি, ভোমরায় ১টি ও দর্শনায় ১টি সরবরাহ করা সমীচীন হবে।

২.৫ সমাপনী বক্তব্যে সভাপতি মহোদয় এনবিআর এর শুল্ক ও ভ্যাট প্রশাসন উইংকে এখন থেকেই অনুদানে প্রাপ্তির জন্য প্রস্তাবিত কন্টেইনার স্ক্যানারসমূহ সংশ্লিষ্ট কাস্টম হাউজ ও এলসি স্টেশনের 'টেবিল অব অর্গানোগ্রাম এন্ড ইকুইপমেন্ট-টিওএন্ডই'-তে অন্তর্ভুক্তির কাজ শুরুর নির্দেশনা দিয়ে বলেন যে, পূর্বের অভিজ্ঞতা কাজে লাগিয়ে প্রকল্পটি এমনভাবে বাস্তবায়ন করতে হবে যাতে স্ক্যানারগুলো আসামাত্রই স্থাপন করা সম্ভব হয়। তিনি ডিপিপি'তে উল্লিখিত বেশ কিছু আইটেম 'থোক' এর পরিবর্তে সম্ভব সকল ক্ষেত্রে সুনির্দিষ্ট পরিমাণ ও সংখ্যা উল্লেখ করার নির্দেশনা দেন।

৩.০ সিদ্ধান্তঃ

বিস্তারিত আলোচনা শেষে নিম্নরূপ সিদ্ধান্ত গৃহীত হয়ঃ

৩.১ প্রস্তাবিত প্রকল্পটি একটি 'কারিগরি সহায়তা প্রকল্প' হিসেবে এর ডিপিপি'টিকে টিপিপি-তে রূপান্তরিত করতে হবে। টিপিপি-তে আইআরডি হতে নিজ দায়িত্বের অতিরিক্ত হিসেবে প্রকল্প পরিচালক ও উপপ্রকল্প পরিচালক নিয়োগের সংস্থান রাখতে হবে;

৩.২ প্রস্তাবিত মোট ৯টি কন্টেইনার স্ক্যানার চট্টগ্রাম কাস্টম হাউজে ২টি, মংলায় ১টি, পানগাঁওয়ে ২টি, বেনাপোলে ২টি, ভোমরায় ১টি ও দর্শনায় ১টি সরবরাহ করার বিষয়টি টিপিপি-তে উল্লেখ করতে হবে;

৩.৩ এনবিআর এর শুল্ক ও ভ্যাট প্রশাসন উইং এখন থেকেই অনুদানে প্রাপ্তির জন্য প্রস্তাবিত কন্টেইনার স্ক্যানারসমূহ সংশ্লিষ্ট কাস্টম হাউজ ও এলসি স্টেশনের 'টেবিল অব অর্গানোগ্রাম এন্ড ইকুইপমেন্ট-টিওএন্ডই'-তে অন্তর্ভুক্তির কাজ শুরু করবে;

৩.৪ প্রকল্পের বাস্তবায়ন পরিকল্পনা এমনভাবে পুনর্বিদ্যায়ন করতে হবে যাতে অনুদানে প্রাপ্ত কন্টেইনার স্ক্যানারগুলো দেশে আসার সাথে সাথে স্থাপন করা সম্ভব হয়; এবং

৩.৫ টিপিপি'র সম্ভব সকল ক্ষেত্রে 'থোক' এর পরিবর্তে সুনির্দিষ্ট পরিমাণ ও সংখ্যা উল্লেখ করতে হবে।

২। আর কোনো আলোচ্য বিষয় না থাকায় সভাপতি সকলকে ধন্যবাদ জানিয়ে সভার কাজ সমাপ্ত ঘোষণা করেন।

স্বাক্ষরিত/ = ০২.০৬.২০১৮ খৃঃ

(মোঃ মোশাররফ হোসেন ডুইয়া এনডিসি)

সিনিয়র সচিব

নং ০৮.০০.০০০০.০৩৯.১৪.১৪.১৮-১৪৭

তারিখঃ ০৩.০৬.২০১৮ খৃঃ

বিতরণঃ

০১। চেয়ারম্যান জাতীয় রাজস্ব বোর্ড, সেগুনবাগিচা, ঢাকা।

০২। সদস্য (শুল্ক ও ভ্যাট প্রশাসন), জাতীয় রাজস্ব বোর্ড, সেগুনবাগিচা, ঢাকা।

০৩। সদস্য (শুল্ক আধুনিকায়ন), জাতীয় রাজস্ব বোর্ড, সেগুনবাগিচা, ঢাকা।

০৪। যুগ্ম-সচিব (পরিকল্পনা), অভ্যন্তরীণ সম্পদ বিভাগ, বাংলাদেশ সচিবালয়, ঢাকা।

০৫। যুগ্ম-সচিব (বাজেট), অভ্যন্তরীণ সম্পদ বিভাগ, বাংলাদেশ সচিবালয়, ঢাকা।

০৬। জনাব শেখ রবিউল ইসলাম, প্রশাসনিক কর্মকর্তা (চলতি দায়িত্ব), আইআরডি (ওয়েবসাইটে আপলোড করার জন্য)।

মোঃ আব্দুল আখের

সিনিয়র সহকারী প্রধান

ফোনঃ ৯৫৫৪৪৮২